

般若綱要卷五

古南沙門通門闕正 七空居士葛瞻提綱

卷二百九十二之六葉說般若至二百九十六

爾時世尊告善現言。彌勒菩薩亦於此處宣說般若波羅蜜多。爾時善現白佛言。彌勒菩薩摩訶薩。得阿耨多羅三藐三菩提時。當以何法諸行相狀宣說如是甚深般若波羅蜜多。佛言。當以色非常非無常非樂非苦非我非無我非淨非不淨非寂靜非不寂靜非遠離非不遠離非縛非解非有非空非過去非未來非現在乃至非以諸佛無上正等菩提非常非無

419

般若綱要卷五

般若綱要卷五

常非過去未來現在宣說如是甚深般若波羅蜜多。爾時善現復白佛言。彌勒菩薩摩訶薩。得阿耨多羅三藐三菩提時。證何等法。復說何法。佛言。證色畢竟淨法。說色畢竟淨法。乃至證諸佛無上正等菩提畢竟淨法。說諸佛無上正等菩提畢竟淨法。爾時善現復白佛言。云何一切法清淨。故般若波羅蜜多清淨。善現。一切法無生無滅無染無淨。故一切法清淨。故般若波羅蜜多清淨。云何一切法無染污。故般若波羅蜜多清淨。善現。一切法不可取。故無染污。一切法無染污。故般若波羅蜜多清淨。復次世尊云。何一

420

一切法惟假說故。般若波羅蜜多清淨。善現。如依虛空。
二事響現。一切唯假說故。般若波羅蜜多清淨。一切
法無可說事。故不可說。由此般若波羅蜜多清淨。一
切法無可得事。故不可得。由此般若波羅蜜多清淨。
一切法畢竟空。故不生不滅。不染不淨。由此般若波
羅蜜多清淨。卷九十六 讀誦宣說功德利益 善現。
如是般若波羅蜜多大寶藏中。不說有法。是善是非。
善是世間。是出世間。是有漏。是無漏。是有罪。是無罪。
是染。是清淨。是有為。是無為。如是般若波羅蜜多。
名無所得大法寶藏。善現。如是般若波羅蜜多於

421

一切法。不向不背。不引不實。不取不捨。不生不滅。不
染不淨。不常不斷。不一不異。不來不去。不出不入。不
增不減。非過去非未來非現在。不超欲界。不住欲界。
不超色界。不住色界。不超無色界。不住無色界。於一
切法。不與不捨。不與無為法。不捨有為法。所以者何。
若佛出世。若不出世。如是諸法。常無變易。法性法界。
法定法住。一切如來等覺現觀。善現。白佛言。般若
波羅蜜多。是大波羅蜜多。達一切法自性空。故雖達
一切法自性皆空。而諸菩薩摩訶薩。因此般若波羅
蜜多。證得無上正等菩提。轉妙法輪。度無量眾。雖證

422

菩提而無所證。證不證法不可得故。雖轉法輪而無
 所轉法。還法不可得故。雖度有情而無所度。見不
 見法不可得故。世尊如是大波羅蜜多中轉法輪事。
 畢竟不可得。以一切法皆永不生故。所以者何。非空。
 無相無願法中可有能轉及能還事。說般若
相品竟
 卷二百九十六之十三葉波羅蜜多品下
 卷二百九十七難闍功至二百九十九

佛告天帝釋言。如汝所說敬禮般若波羅蜜多。即為
 敬禮一切智智。何以故。諸佛世尊一切智智皆從般
 若波羅蜜多而得生故。欲住諸佛一切智智當學般

若波羅蜜多。爾時天帝釋白佛言。修行般若波羅蜜
 多時。云何住一切法。佛言。菩薩摩訶薩行般若波羅
 蜜多時。若於一切法不住不習。是為住習一切法。以
 所住習一切法不可得故。復次。憍尸迦。菩薩行般若
 波羅蜜多時。若於一切法非住非不住。非習非不習。
 是為住習一切法。何以故。是菩薩摩訶薩觀一切法
 前後中際不可得故。爾時舍利子白佛言。如是般若
 最為甚深。佛言。如是舍利子。一切法真如甚深。故般
 若波羅蜜多甚深。舍利子復白佛言。如是般若難可
 測量。佛言。如是舍利子。一切法真如難測量。故般若

波羅蜜多難可測量。舍利子復白佛言。如是般若最
爲無量。佛言。如是。舍利子。一切法真如無量。故般若
波羅蜜多無量。舍利子白佛言。云何菩薩行般若波
羅蜜多。佛言。若菩薩摩訶薩行般若波羅蜜多時。不
行一切法。甚深性。是行般若波羅蜜多。何以故。一切
法甚深性。則非一切法。故。舍利子。不行一切法。難
測量性。是行般若波羅蜜多。何以故。一切法。難測量
性。則非一切法。故。舍利子。不行一切法。無量性。是行
般若波羅蜜多。何以故。一切法。無量性。則非一切法
故。爾時舍利子白佛言。如是般若波羅蜜多。既最甚

425

深難測。難量。難可信解。不應在彼新學大乘菩薩前
說。但應在彼不退轉位菩薩前說。

卷三百 三百一

舍利子白佛言。我今樂說菩薩譬喻。佛言。汝善說。譬
喻。當知。皆是佛威神力。善現復白佛言。云何修行
般若。速得圓滿。佛言。修行般若波羅蜜多時。不見一
切法。若增。若減。速得圓滿。何以故。以一切法。無性相
故。無作用。故。不可轉。故。虛妄。誑詐。性。不堅實。不自在
故。無覺受。故。離我有情。命者。生者。廣說。乃至知見者
故。善現白佛言。如來所說。不可思議。佛告善現。一

426

一切法不可思議。故如來所說不可思議。若菩薩行般
若波羅蜜多時。於一切法不起不思議。想是菩薩摩
訶薩修行般若波羅蜜多。速得圓滿。善現白佛言。
如是般若理趣甚深。誰能信解。佛言。若菩薩已久修
六波羅蜜多。已久種善根。已供養多佛。已事多善友。
是能信解。是菩薩摩訶薩行般若波羅蜜多時。不思
惟分別一切法。不思惟分別一切法相。不思惟分別
一切法性。何以故。一切法不可思議故。善現白佛
言。如是般若極為甚深。佛言。一切法甚深。故般若波
羅蜜多甚深。是故般若波羅蜜多名極甚深。善現言。

如是般若是大寶聚。佛言。能與有情功德寶。故
卷三百二
善現復白佛言。如是般若波羅蜜多是清淨聚。佛言。
一切法清淨。故般若波羅蜜多清淨。善現白佛言。
般若波羅蜜多以極甚深。多諸留難。佛言。佛神力故。
今雖廣說留難不生。是故大乘諸善男子等。於此般
若波羅蜜多。若欲書寫。應疾書寫。若欲讀誦。應疾讀
誦。若欲受持。應疾受持。若欲修習。應疾修習。若欲思
惟。應疾思惟。若欲宣說。應疾宣說。何以故。甚深般若
波羅蜜多。多諸留難。留難事起不究竟。故善男子等。

以能書寫受持讀誦供養恭敬尊重讚歎甚深般若
波羅蜜多由此善根乃至無上正等菩提常不遠離
一切法由此因緣於此般若波羅蜜多應勤書寫受
持讀誦修習思惟爲他廣說。舍利子是善男子等。
信解廣大能依妙色聲香味觸修廣大施修此施已
復能殖殖廣大善根因此善根復能攝受廣大果報。
攝受如是廣大果報專爲利樂一切有情於諸有情
能捨內外一切所有彼廻如是所種善根願生他方
諸佛國土現有如來應正等覺宣說如是甚深般若
波羅蜜多無上法處彼聞如是甚深般若波羅蜜多

429

般若綱要卷五

一一

般若綱要卷五

一一

無上法已復能安立彼佛土中無量百千俱胝那庾
多諸有情類令發無上正等覺心令於無上正等菩
提得不退轉。舍利子恆於此六波羅蜜多勇猛精
進欣求不息一切時得無不得時諸佛菩薩常護念
故恆於此六波羅蜜多相應經典受持讀誦思惟修
學由此善根隨所生處常得此六波羅蜜多相應契
經受持讀誦如教修行難聞功

430

卷三百三品事三百四

善現白佛言云何是修諸行時留難魔事佛言若善
男子等棄捨一切智智根本甚深般若波羅蜜多而

攀枝葉諸餘經典終不能得大菩提是爲菩薩魔事。善現白佛言何等餘經猶如枝葉不能引發一切智智佛言若說二乘相應之法謂四念住四正斷四神足五根五力七等覺支八聖道支及空無相無願解脫門等所有諸經於中修學得預流果得一來果得不還果得阿羅漢果得獨覺菩提不得無上正等菩提是名餘經猶如枝葉不能引發一切智智甚深般若波羅蜜多定能引發一切智智有大勢力猶如樹根何以故如是般若波羅蜜多甚深經典出生一切菩薩摩訶薩世間出世間功德法故若修學般若波

羅蜜多則爲修學一切世間出世間法。善男子等。善大般若波羅蜜多甚深經時眾辯競起樂說種種差別法門令所書寫不得究竟是爲菩薩魔事何以故甚深般若波羅蜜多中無樂說相故所說諸法都無所有皆不可得。善現白佛言甚深般若波羅蜜多可書寫否佛言不可書寫何以故於此般若波羅蜜多甚深經中諸法自性無所有不可得善現諸法自性皆無所有不可得故卽是無性如是無性卽是般若波羅蜜多非無性法能書無性是故般若波羅蜜多不可書寫若作如是於此般若波羅蜜多甚深

經中無性是諸法。當知是為菩薩魔事。彼執文字能書寫般若波羅蜜多。當知是為菩薩魔事。何以故。於此般若波羅蜜多甚深經中一切法無文字。是故不應執有文字能書般若波羅蜜多。若作如是執於此甚深經中無文字是一切法。當知是為菩薩魔事。

有諸惡魔作苾芻像。至菩薩所謂作是言。汝所習誦無相經典。非真般若波羅蜜多。我所習誦有相經典。是真般若波羅蜜多。有諸菩薩未得受記。便生疑惑。當知是為菩薩魔事。有諸惡魔作苾芻像。威儀庠序。形貌端嚴。菩薩見之。深生愛著。由斯損滅一切智。

智有作佛形像。身純金色。常光一尋。具三十二大丈夫相。八十隨好。以自莊嚴。菩薩見之。深生愛著。由斯損滅一切智。智有化作菩薩摩訶薩像。若百若干。乃至無量。或行布施波羅蜜多。或行淨戒安忍。精進靜慮般若波羅蜜多。菩薩見之。深生愛著。由斯損滅一切智。智不獲聽問書寫受持讀誦修習思惟演說甚深般若波羅蜜多。當知是為菩薩魔事。所以者何。於此甚深般若波羅蜜多中一切無所有。則於是處備無所有。菩薩聲聞獨覺亦無所有。何以故。以一切法自性空故。

卷三百五佛母至三百八之十葉

佛言善現甚深般若波羅蜜多能生我等一切佛法能示世間諸法實相由此因緣諸佛常以佛眼觀視護念甚深般若波羅蜜多為報彼恩不應暫捨善現一切如來應正等覺已得無上正等菩提今得無上正等菩提當得無上正等菩提皆因如是甚深般若波羅蜜多於諸如來有大恩德善現甚深般若波羅蜜多能示世間諸法實相者謂能示世間五蘊實相善現諸佛般若波羅蜜多俱不說示五蘊有成有壞有生有滅有染有淨有增有減有入有出俱不說

435

示五蘊有過去有未來有現在有善有不善有無記有欲界繫有色界繫有無色界繫所以者何善現非諸空法有成有壞非無相法有成有壞非無願法有成有壞非無作法有成有壞非無生滅法有成有壞非無體性法有成有壞諸佛般若波羅蜜多如是說示五蘊實相此五蘊相即是世間是故世間亦無成壞生滅等相善現一切如來應正等覺皆依般若波羅蜜多普能證知諸有情類無量無數心行差別然此般若波羅蜜多甚深理中無有情無有情施設可得無諸法無諸法施設可得如是說示世間實相善

436

現。然。此。般。若。甚。深。理。中。不。示。現。諸。法。何。以。故。如。是。般
若。波。羅。蜜。多。甚。深。理。中。甚。深。般。若。波。羅。蜜。多。尚。無。所
有。不。可。得。况。有。一。切。法。可。得。示。現。復。次。善。現。一。切。有
情。施。設。言。說。一。切。如。來。應。正。等。覺。依。甚。深。般。若。波。羅
蜜。多。皆。如。實。知。諸。有。情。類。略。心。散。心。善。現。如。來。應。正
等。覺。由。法。性。故。如。實。知。法。性。中。法。性。尚。不。可。得。况。有
略。心。散。心。復。次。善。現。一。切。如。來。應。正。等。覺。依。甚。深。般
若。波。羅。蜜。多。如。實。知。彼。諸。有。情。類。有。貪。心。離。貪。心。有
瞋。心。離。瞋。心。有。癡。心。離。癡。心。善。現。如。來。應。正。等。覺。如
實。知。彼。諸。有。情。類。有。貪。瞋。癡。心。如。實。性。非。有。貪。瞋。癡

437

心。非。離。貪。瞋。癡。心。如。實。知。離。貪。瞋。癡。心。如。實。性。非。有
貪。瞋。癡。心。非。離。貪。瞋。癡。心。何。以。故。如。實。性。中。心。心。所
法。尚。不。可。得。况。有。有。貪。瞋。癡。心。離。貪。瞋。癡。心。復。次。善
現。一。切。如。來。應。正。等。覺。依。甚。深。般。若。波。羅。蜜。多。如。實
知。諸。有。情。類。所。有。廣。心。無。廣。無。狹。無。增。無。減。無。去。無
來。何。以。故。心。之。自。性。無。所。有。故。誰。廣。誰。狹。誰。增。誰。減
誰。去。誰。來。如。實。知。諸。有。情。類。所。有。大。心。無。去。無。來。無
生。無。滅。無。住。無。異。無。大。無。小。何。以。故。心。之。自。性。無。所
有。故。非。去。非。來。非。生。非。滅。非。住。非。異。非。大。非。小。如。實
知。諸。有。情。類。所。有。無。量。心。非。住。非。不。住。非。去。非。不。去

438

何以故。無量心性無漏無依。如何可說有住不住。有
去不去。如實知諸有情類所有無見無對。心皆無心
相。何以故。以一切心自相空故。如實知諸有情類所
有無色不可見。心諸佛五眼皆不能見。何以故。一切
心自性空故。如實知諸有情類。心心所法若出若沒
若屈若伸。謂諸如來應正等覺。如實知出沒屈伸。心
心所法。或依色。或依受想行識。執我及世間常。此是
諦實。餘皆癡妄。執我及世間無常。此是諦實。餘皆癡
妄。執我及世間亦常亦無常。此是諦實。餘皆癡妄。執
我及世間非常非無常。此是諦實。餘皆癡妄。執我及

世間有邊無邊。亦有邊亦無邊。非有邊非無邊。此是
諦實。餘皆癡妄。執命者即身。執命者異身。此是諦實
餘皆癡妄。執如來死後有。執如來死後非有。執如來
死後亦有亦非有。執如來死後非有非非有。此是諦
實。餘皆癡妄。復次善現。一切法真如。即一切如來應
正等覺真如。一切如來應正等覺真如。即一切有情
真如善現。若一切如來應正等覺真如。若一切有情
真如。若一切法真如。無二無別。是一真如。如是真如
無別異故。無壞無盡不可分別。善現。一切如來應正
等覺依甚深般若波羅蜜多證一切法真如究竟力。

得無上正等菩提。由此故說甚深般若波羅蜜多能
生諸佛。是諸佛母。能示諸佛世間實相。善現白佛言。
一切法真如甚深。誰能信解佛言。真如無盡。是故甚
深。以一切法皆無盡。故真如無盡。如來證真如。故獲
得無上正等菩提。為諸有情。顯示分別一切法真如
相。由此故名真實說者。佛告諸天子言。甚深般若
波羅蜜多有無量諸相。世間天人阿素洛等皆不能
壞。何以故。天人阿素洛等亦是相。故當知諸相不能
破壞。諸相諸相不能了知。諸相諸相不能破壞。無相
諸相不能了知。諸相諸相不能破壞。無相諸相不能

441

了知無相。無相不能破壞。諸相無相不能了知。諸相
無相不能破壞。無相無相不能了知。無相何以故。若
相若無相。若相無相。皆無所有。能破能知。所破所知
及破知者。不可得。故天子當知。諸相非一切法所作。
無所繫屬。不可宣說。當知甚深般若波羅蜜多。遠離
眾相。不應致問。以何為相。一切如來應正等覺。住如
是相。分別開示。甚深般若波羅蜜多。為諸有情。集諸
法相。方便開示。世尊告天子言。一切法相。如來如實
覺為無相。所謂變礙是色相。如來如實覺為無相。領
納是受相。如來如實覺為無相。取像是想相。如來如

442

實覺爲無相。造作是行相。如來如實覺爲無相了別。
是識相。如來如實覺爲無相。苦惱聚是蘊相。如來如
實覺爲無相。生長門是處相。如來如實覺爲無相。多
毒害是界相。如來如實覺爲無相。和合起是緣起相。
如來如實覺爲無相。能惠捨是布施相。如來如實覺
爲無相。無熱惱是淨戒相。如來如實覺爲無相。不忿
恚是安忍相。如來如實覺爲無相。不可伏是精進相。
如來如實覺爲無相。攝持心是靜慮相。如來如實覺
爲無相。無罣礙是般若相。如來如實覺爲無相。無所
有是內空等相。如來如實覺爲無相。不顛倒是真如。

443

等相。如來如實覺爲無相。不虛妄是四聖諦相。如來
如實覺爲無相。無擾惱是四靜慮相。如來如實覺爲
無相。無限礙是四無量相。如來如實覺爲無相。無道
雜是四無色定相。如來如實覺爲無相。無繫縛是八
解脫相。如來如實覺爲無相。能制伏是八勝處相。如
來如實覺爲無相。不散亂是九次第定相。如來如實
覺爲無相。無邊際是十徧處相。如來如實覺爲無相。
能出離是三十七菩提分法相。如來如實覺爲無相。
極遠離是空解脫門相。如來如實覺爲無相。最寂靜
是無相解脫門相。如來如實覺爲無相。厭眾苦是無

444

願。解脫門相。如來如實覺爲無相。趣大覺。是菩薩十
地相。如來如實覺爲無相。能觀照。是五眼相。如來如
實覺爲無相。無壅滯。是六神通相。如來如實覺爲無
相。善決定。是佛十力相。如來如實覺爲無相。善安立。
是四無所畏相。如來如實覺爲無相。無斷絕。爲四無
礙解相。如來如實覺爲無相。拔哀苦。是大悲相。如來
如實覺爲無相。慶善事。是大喜相。如來如實覺爲無
相。棄諠雜。是大捨相。如來如實覺爲無相。不可奪。是
十八佛不共法相。如來如實覺爲無相。善憶念。是無
忘失法相。如來如實覺爲無相。無取著。是恆住捨性

相。如來如實覺爲無相。現等覺。是一切智相。如來如
實覺爲無相。善通達。是道相智相。如來如實覺爲無
相。現別覺。是一切相智相。如來如實覺爲無相。徧攝
持。是一切陀羅尼門相。如來如實覺爲無相。徧攝受。
是一切三摩地門相。如來如實覺爲無相。善受教。是
聲聞果相。如來如實覺爲無相。自開悟。是獨覺菩提
相。如來如實覺爲無相。趣大果。是一切菩薩摩訶薩
行相。如來如實覺爲無相。無與等。是諸佛無上正等
菩提相。如來如實覺爲無相。於如是等一切法相。皆
能如實覺爲無相。由是因緣。我說諸佛得無礙智。無

與等者。佛告善現言一切如來應正等覺無不皆
 依甚深般若波羅蜜多。於諸有相及無相法皆現等
 覺無實作用以能作者無所有故無所成辦以諸形
 質不可得故如來能現等覺相無相法皆無作用無
 所成辦於一切時供養恭敬尊重讚歎攝受護持無
 有間斷故名真實知恩報恩。善現白佛言云何不
 見一切法故名示一切法相。佛言由不緣一切法而
 生於識是為不見一切法故名示一切法相。復次善
 現甚深般若波羅蜜多能為諸佛顯世間空令諸世
 間受世間空想世間空思世間空了世間空復次善

447

現甚深般若波羅蜜多能示諸佛世間空相能示諸
 佛世間不可思議相能示諸佛世間遠離相能示諸
 佛世間寂靜相能示諸佛世間畢竟空相能示諸佛
 世間無性空相能示諸佛世間自性空相能示諸佛
 世間無性自性空相能示諸佛世間純空相能示諸
 佛世間純無相無願相善現由如是義甚深般若波
 羅蜜多能示諸佛世間實相名諸佛母。佛母
 卷三百八之十一葉等品至三百十之七葉
 善現白佛言世尊為但如來應正等覺所有佛性如
 來性自然法性一切智智性不可思議不可稱量無

448

數量無等等。爲更有餘法耶。佛言。非但如來應正等覺。所有佛性。如來性。自然法性。一切智智性。不可思議。不可稱量。無數量。無等等。一切法。亦不可思議。不可稱量。無數量。無等等。善現。於一切法。眞法性。中心及心所。皆不可得。復次。善現。一切法。不可施設。不可思議。不可稱量。無數量。無等等。性。善現。一切法。自性。不可思議。不可稱量。無數量。無等等。無自性。故一切法。不可施設。思議。稱量。數量。平等。不平等。性。善現。無自性。中。一切法。可得。不也。世尊。佛言。善現。如是如是。由此因緣。一切法。皆不可思議。不可稱量。無數量。

無等等。以一切法。皆不可思議。乃至無等等。故一切如來應正等覺。所有佛法。如來法。自然法。一切智智法。亦不可思議。乃至無等等。品竟
卷三百十之八葉品辦事三百十一之九葉
善現。甚深般若波羅蜜。多不取著一切法。故出現世間。能成辦事。善現言云。何出現世間。不取著一切法。佛言。善現。汝頗見一切法。可取。可著。否。頗見有法。能取。能著。不頗見。由是法。有取。有著。不也。世尊。佛言。我亦不見一切法。可取。可著。亦可見有法。能取。能著。亦不見。由是法。有取。有著。由不見。故不取。不取。故

不著。爾時欲色界諸天子白佛言於此般若波羅蜜多忍樂思惟稱量觀察所成就忍勝彼智斷無量無邊何以故諸隨信行所有智斷皆是已得無生法忍菩薩忍少分故諸隨法行第八預流一來不還阿羅漢獨覺所有智斷皆是已得無生法忍菩薩忍少分故。辦事品竟

451

卷三百十一之十葉品眾喻至三百十三之九葉

善現白佛言聞說般若深生信解復能書寫讀誦受持思惟修習是菩薩從何處沒來生此間佛言善現有菩薩乘補特伽羅雖於先世得聞一切法而不請

般若綱要卷五

三三

般若綱要卷五

三四

問甚深義趣今生人中聞說如是甚深般若波羅蜜多其心迷悶猶豫怯弱或生異解有菩薩乘補特伽羅雖於先世得聞般若波羅蜜多亦曾請問甚深義趣而不能經一日二日三四五日隨順修行今生人中聞說如是甚深般若波羅蜜多設經一日乃至五日其心堅固無能壞者若離所聞尋便退失何以故以先世雖復請問甚深義趣而不如說隨順修行故於今生若遇善友殷勤勸勵便樂聽受若無善友或時樂聞或時不樂或時堅固或時退失其心輕動進退非恆如堵羅綿隨風飄颻當知如是補持伽羅發

452

趣大。乘經時未久。未多親近諸善知識。未曾供養諸
佛世尊。未曾受持讀誦書寫思惟演說甚深般若波
羅蜜多。善現當知如是補特伽羅。未曾修學般若靜
慮精進安忍淨戒布施波羅蜜多。乃至未曾修學無
上正等菩提。復次善現。住菩薩乘善男子等。不能以
甚深般若波羅蜜多。乃至無上正等菩提。攝他有情。⁴⁵³
復不能隨順修行甚深般若波羅蜜多。乃至無上正
等菩提。由此因緣。或墮聲聞地。或獨覺地。不證無上
正等菩提。如泛大海所乘船。破定知溺死。若能取木
器物浮囊板片。以為依附。當知是類終不沒死。得至

安隱大海彼岸。善現是善男子等。若能書寫受持讀
誦思惟修習甚深般若波羅蜜多。以為依附。復能思
惟修習靜慮精進安忍淨戒布施波羅蜜多。乃至修
習諸佛無上正等菩提。以為依附。終不中道。退入聲
聞。或獨覺地。定證無上正等菩提。如人欲度險惡曠
野。攝受資糧器具。必當達到安樂國土。如是善現。諸
善男子等。若不攝受甚深般若波羅蜜多。亦不攝受
方便善巧。墮聲聞獨覺。不證無上正等菩提。若能攝
受甚深般若波羅蜜多。亦能攝受方便善巧。不墮聲
聞獨覺。疾證無上正等菩提。^{品眾喻}

卷三百十三之十葉真善友品至三百十六之十五葉
 善現白佛言初業菩薩應云何學般若乃至布施波
 羅蜜多佛言應作是念所修六波羅蜜普施一切有
 情同共迴向無上正等菩提汝不應以一切法而取
 無上正等菩提所以者何若不取一切法便得無上
 正等菩提汝勿於一切法而生貪愛何以故以一切
 法自性空故善現復白佛言菩薩摩訶薩能為難
 事於一切法自性空中希求無上正等菩提佛言如
 是如是菩薩雖知一切法如幻如夢如響如像如光
 影如陽焰如變化事如尋香城自性皆空而為世間

得義利故發趣無上正等菩提為令世間得利益故
 為令世間得安樂故為欲救拔諸世間故為與世間
 作歸依故為與世間作舍宅故為欲作世間究竟道
 故為與世間作洲渚故為與世間作光明故為與世
 間作炬炬故為與世間作導師故為與世間作將帥
 故為與世間作所趣故發趣無上正等菩提善現
 一切法皆不和合不和合即不相屬不相屬即無生
 無生即無滅無滅即不和合菩薩摩訶薩欲為有情
 說一切法皆有如是不和合相發趣無上正等菩提
 善現一切法究竟即非一切法善現白佛言若
 宅舍

一切法相如究竟相者。云何菩薩摩訶薩於一切法應現等覺。所以者何。世尊非一切法究竟中有如是分別。謂此是一切法。佛言如是如是。如汝所說一切法究竟中無如是分別。謂此是一切法。是為菩薩摩訶薩難事。雖觀一切法皆寂滅相。而心不沈沒。作是念言。我於是法現等覺已。證得無上正等菩提。究竟善現。譬如巨海大小河中。高顯可居。周迴水斷。說名洲渚。一切法前後際斷。由此前後際斷。故一切法斷。此一切法前後際斷。即是寂滅。即是微妙。即是如實。謂空無所得。道斷愛盡。無餘離染。永滅涅槃。洲渚

457

善現一切法以虛空為所趣。為諸有情宣說開示一切法非趣非不趣。何以故。以一切法性空空。空中無趣不趣。故所以者何。一切法皆以空為趣。彼於是趣不可超越。何以故。空中趣不趣不可得。故一切法皆以無相無願無起無作無生無滅無染無淨為趣。彼於是趣不可超越。何以故。無相無願乃至無染無淨中非趣非不趣不可得。故一切法皆以無所有為趣。彼於是趣不可超越。何以故。無所有中趣非趣不可得。故一切法皆以幻為趣。以夢為趣。乃至以尋香城為趣。彼於是趣不可超越。何以故。幻中夢中乃至尋

458

香城中趣非趣不可得。故一切法皆以無量無邊為趣。彼於是趣不可以超越。何以故。無量無邊中趣非趣不可得。故一切法皆以不與不取不舉不下無去無來無增無減不入不出不集不散不合不離為趣。彼於是趣不可超越。何以故。不與不取乃至不合不離中趣非趣不可得。故一切法皆以我有情命者乃至知者見者為趣。彼於是趣不可超越。何以故。我有情命者乃至知者見者。尚畢竟無所有。况有趣非趣可得。一切法皆以常為趣。以樂為趣。以我為趣。以淨為趣。彼於是趣不可超越。何以故。常乃至淨尚畢竟

459

無所有。况有趣非趣可得。一切法皆以無常為趣。以苦為趣。以無我為趣。以不淨為趣。彼於是趣不可超越。何以故。無常乃至不淨尚畢竟無所有。况有趣非趣可得。一切法皆以貪事為趣。瞋事為趣。癡事為趣。彼於是趣不可超越。何以故。貪事瞋事癡事尚畢竟無所有。况有趣非趣可得。一切法皆以見所作事為趣。彼於是趣不可超越。何以故。見所作事尚畢竟無所有。况有趣非趣可得。一切法皆以真如為趣。法界為趣。法性為趣。不虛妄性為趣。不變異性為趣。平等性為趣。離生性為趣。法定為趣。法住為趣。實際為趣。

460

虛空界為趣。不思議界為趣。彼於是趣不可超越。何以故。真如中乃至不思議界中。趣非趣畢竟不可得。故一切法皆以不動為趣。彼於是趣不可超越。何以故。不動中。趣非趣畢竟不可得。故一切法皆以色為趣。受想行識為趣。乃至皆以一切相智為趣。彼於是趣不可超越。何以故。色受想行識乃至一切相智。尚畢竟不可得。况有趣非趣。如是善現菩薩。為與世間作所趣。故發趣無上正等菩提。趣所真善友品竟

卷三百十六之十六葉趣智至卷三百十八

爾時善現白佛言。誰於如是甚深般若波羅蜜多能

生信解。佛言。若菩薩久於無上正等菩提發意趣求。精勤修行。已供養多佛。發弘誓願。善根淳熟。善友攝受。故乃於如是般若波羅蜜多能生信解。善現復白佛言。生信解者。何性何相何狀何貌。佛言。調伏貪瞋癡性為性。遠離貪瞋癡相為相。遠離貪瞋癡狀為狀。遠離貪瞋癡貌為貌。時善現白佛言。信解如是甚深般若波羅蜜多。當何所趣。佛言。當趣一切智。智若能趣向一切智。智則能與一切有情為所歸。趣善現復言。是菩薩能為難事。謂擐如是堅固甲冑。度脫一切有情。皆令證得究竟涅槃。雖於有情作如是事。而都

不見有情施設。佛言善現如是如是是菩薩所擐甲
胄不屬色何以故色畢竟無所有非菩薩非甲胄故
說彼甲胄不屬色是菩薩所擐甲胄不屬受想行識
何以故受想行識畢竟無所有非菩薩非甲胄故說
彼甲胄不屬受想行識乃至是菩薩甲胄不屬道相
智一切相智何以故道相智一切相智畢竟無所有
非菩薩非甲胄故說彼甲胄不屬道相智一切相智
善現是菩薩行深般若波羅蜜多能擐如是堅固甲
胄度脫有情皆證究竟涅槃善現言是菩薩非為度
脫少分有情而擐甲胄亦非為求少分智故而擐甲

463

胄佛言如是如是是菩薩為救拔一切有情令般
涅槃而擐甲胄為求得一切智智而擐甲胄由此因緣
不墮聲聞及獨覺地爾時善現白佛言如是般若波
羅蜜多最為甚深無能修者無所修法亦無修處亦
無由此而得修習所以者何非此般若波羅蜜多甚
深義中而有少分實法可得名能修者及所修法若
修習處若由此修世尊若修虛空是修般若波羅蜜
多若修一切法是修般若波羅蜜多若修不實法是
修般若波羅蜜多若修無所有是修般若波羅蜜多
若修無攝受是修般若波羅蜜多若修除遣是修般

464

若波羅蜜多。佛言善現。修何除遣。爲修般若波羅蜜多。善現答言。世尊。修除遣色。是修般若波羅蜜多。修除遣受。想。行。識。是修般若波羅蜜多。乃至修除遣道相智。一切相智。是修般若波羅蜜多。佛言。如是如是。爾時佛告善現。言應依甚深般若波羅蜜多。驗知不退轉菩薩。若菩薩於甚深般若波羅蜜多。不生執著。當知是爲不退轉菩薩。乃至於道相智。一切相智。不生執著。當知是爲不退轉菩薩。善現。不退轉菩薩。行深般若波羅蜜多。不爲貪心之所牽引。不爲瞋心。癡心。慢心之所牽引。不爲種種餘雜染心之所牽引。不

465

離六種波羅蜜多。聞說甚深般若波羅蜜多。其心不驚。不恐。不怖。不沈。不沒。亦不退捨。歡喜樂聞。受持讀誦。究竟通利。如說修行。善現白佛言。若菩薩聞說般若。其心不驚。不恐。乃至亦不退捨。是菩薩云何修行。甚深般若波羅蜜多。佛言。是菩薩相續隨順。趣向。臨入一切智智。應作如是行。深般若波羅蜜多。世尊云。何相續隨順。趣向。臨入一切智智。善現。若菩薩相續隨順。趣向。臨入空。無相。無願。虛空。無所有。無生。無滅。無染。無淨。真如。法界。法性。不虛妄。性不變異。性平等。性離生。性法定。法住。實際。虛空界。不思議界。無造作。

466

幻夢響像光影陽焰變化事尋香城。行深般若波羅
 蜜多是爲菩薩相續隨順趣向臨入一切智智。行深
 般若波羅蜜多三百七十七善現白佛言。世尊。如佛所說。相
 續隨順趣向臨入空無相無願乃至變化事尋香城。
 行深般若波羅蜜多者。是菩薩爲行色。不爲行受想
 行識。乃至爲行道相智。一切相智。不佛言。是菩薩
 不行色。不行受想行識。乃至不行道相智。一切相智。
 所以者何。善現。是菩薩所隨順趣向臨入一切智智。
 無能作。無能壞。無所從來。無所去處。亦無所住。無方
 無域。無數無量。無往無來。善現。如是一切智智。既無

467

數量往來可得亦無能證。如是一切智智。不可以色
 證。不可以受想行識證。乃至不可以道相智。一切相
 智。證何以故。色卽是一切智智。受想行識卽是一切
 智智。乃至道相智。一切相智。卽是一切智智。所以者
 何。若色真如。若一切智智真如。若一切法真如。皆一
 真如。無二無別。若受想行識真如。若一切智智真如。
 若一切法真如。皆一真如。無二無別。乃至若道相智。
 一切相智真如。若一切智智真如。若一切法真如。皆
 一真如。無二無別。趣智
 卷三百十八之十三葉品真如至卷三百二十一

468

爾時欲色界諸天子。各持香華。遙散佛上頂禮白言。如是般若波羅蜜多。最爲甚深難見難覺。不可尋思。過尋思境。微妙冲寂。聰敏智者之所能知。非諸世間。卒能信受。卽佛無上正等菩提。一切如來應正等覺。於此經中皆作是說。色卽是一切智智。一切智智卽是色。受想行識卽是一切智智。一切智智卽是受想行識。諸佛無上正等菩提卽是一切智智。一切智智卽是諸佛無上正等菩提。無二無別亦無窮盡。爾時世尊告欲色界諸天子言。如是如是。如汝所說。諸天子。我觀此義。心恆趣寂。不樂說法。所以者何。謂深般

469

若波羅蜜多。卽是如來應正等覺所證無上正等菩提。如是無上正等菩提。無能證非所證。無證處無證時。諸天子。此法深妙。不二現行。非諸世間所能比度。諸天子。虛空甚深。故此法甚深。真如甚深。故此法甚深。法界甚深。故此法甚深。乃至不思議界甚深。故此法甚深。諸天子。無量無邊甚深。故此法甚深。無來無去甚深。故此法甚深。無生無滅甚深。故此法甚深。無染無淨甚深。故此法甚深。無知無得甚深。故此法甚深。無造無作甚深。故此法甚深。時欲色界諸天子白佛言。世尊。此深妙法。不爲攝取色。故說不爲棄捨色。

470

故說不爲攝取受想行識故說不爲棄捨受想行識
故說乃至不爲攝取道相智一切相智故說不爲棄
捨道相智一切相智故說世尊諸世間有情多行攝
取行起我我所執謂色是我是我所受想行識是我
是我所乃至道相智一切相智是我是我所爾時佛
告諸天子言如是如是如汝所說諸天子若菩薩爲
攝取色故行爲棄捨色故行爲攝取受想行識故行
爲棄捨受想行識故行是菩薩不能修般若波羅蜜
多亦不能修靜慮乃至布施波羅蜜多乃至亦不能
修道相智一切相智爾時善現白佛言此深妙法隨

471

順般若波羅蜜多乃至隨順道相智一切相智世尊
此深妙法於色無礙於受想行識無礙乃至於道相
智一切相智無礙世尊此深妙法無生無滅何以故
色無生無滅受想行識無生無滅乃至道相智一切
相智無生無滅故世尊此深妙法都無足迹何以故
色足迹不可得受想行識足迹不可得乃至道相智
一切相智足迹不可得故時欲色界諸天子復白佛
言上座善現隨如來生佛真弟子所以者何善現諸
法所說一切皆與空相應故爾時善現告諸天子言
云何善現隨如來生謂隨如來真如生故所以者何

472

如來真如無來無去。善現真如亦爾無來無去。如來
真如卽一切法。真如一切法。真如卽如來真如。如是
真如無真如性。亦無不真如性。善現真如亦爾。如來
真如常住爲相。善現真如亦爾。常住爲相。如來真如
無變異。無分別。徧諸法轉。善現真如亦爾。無變異。無
分別。徧諸法轉。如來真如無所罣礙。一切法真如亦
無所罣礙。同一真如。無二無別。無造無作。如是真如
常真如相。無時非真如相。善現真如亦爾。故說善現
隨如來生。復次如來真如不離一切法。真如一切法
真如不離如來真如。善現真如亦爾。故說善現隨如

473

來生。雖說隨生而無所隨生。以善現真如不異佛故。
卷三百二十二
正說如是真如相時。於此三千大千世界。六種變動
時。欲色界諸天子。以種種香華奉散世尊。及善現上
座。而白佛言。甚奇世尊。未曾有也。上座善現由真如
故。隨如來生。爾時善現告諸天子言。當知上座善現。
不由一切法故。隨如來生。不由一切法真如故。隨如
來生。不離一切法故。隨如來生。不離一切法真如故。
隨如來生。不由有爲故。隨如來生。不由有爲真如故。
隨如來生。不離有爲故。隨如來生。不離有爲真如故。

474

隨如來生不由無爲故隨如來生不由無爲真如故
隨如來生不離無爲故隨如來生不離無爲真如故
隨如來生何以故諸天子是一切法都無所有諸隨
生者若所隨生由此隨生及隨生處皆不可得爾時
舍利子白佛言諸法真如法界法性乃至不思議界
皆最甚深世尊此中色不可得色真如亦不可得何
以故此中色尙不可得况有色真如可得此中受想
行識不可得受想行識真如亦不可得何以故此中
受想行識尙不可得况有受想行識真如可得乃至
此中道相智一切相智不可得道相智一切相智真

475

如亦不可得何以故此中道相智一切相智尙不可
得况有道相智一切相智真如可得佛言如是如是
如汝所說說此真如相時六萬菩薩諸漏永盡心得
解脫成阿羅漢爾時佛告舍利子言此六萬菩薩已
於過去親近供養五百諸佛一一佛所發弘誓願正
信出家雖修布施淨戒安忍精進靜慮而不攝受般
若波羅蜜多亦不攝受方便善巧故起別異想行別
異行修布施時作如是念此是布施此是財物此是
受者我能行施修淨戒時作如是念此是淨戒此是
罪業此所護境我得持戒修安忍時作如是念此是

476

安忍。此是忍障。此是忍境。我能安忍。修精進時。作如是念。此是精進。此是懈怠。此是所為。我能精進。修靜慮時。作如是念。此是靜慮。此是散動。此是所為。我能修定。彼離般若波羅蜜多及離方便善巧。故依別異想而行。布施淨戒安忍精進別異之行。由別異想別異行故。不得入菩薩正性離生位。由不得入菩薩正性離生位。故得預流果。漸次乃至阿羅漢果。舍利子。此諸菩薩。雖有菩薩道空無相無願解脫門。而遠離般若波羅蜜多及方便善巧力。故於實際作證得聲聞果。

477

卷三百二十三

爾時舍利子白佛言。世尊。何因緣故。有諸菩薩修空無相無願解脫門。不攝受般若波羅蜜多。無方便善巧。便證實際。取聲聞果。或獨覺菩提。有諸菩薩修空無相無願解脫門。攝受般若波羅蜜多有方便善巧。不證實際。而趣無上正等菩提。佛言。舍利子。若諸菩薩遠離一切智智心。修空無相無願解脫門。是菩薩不攝受般若波羅蜜多。無方便善巧。故便證實際。取聲聞果。或獨覺菩提。若諸菩薩不離一切智智心。修空無相無願解脫門。是菩薩攝受般若波羅蜜多有

478

方便善巧。故能入菩薩正性離生位。得阿耨多羅三藐三菩提。譬如有鳥。其身長大。而無有翅。從於三十三天。投身而下。於其中道。便作是念。我欲還上三十三天。是能還不舍利子言不也。世尊。是鳥身大。從遠而墮。無有翅。故佛言。諸菩薩亦復如是。雖經殫伽沙數大劫。勤修布施。乃至靜慮。亦修三解脫門。作廣大。事發廣大心。欲證無量無所攝受微妙無上正等菩提。而無般若波羅蜜。多遠離方便善巧力。故便墮聲聞。或獨覺地。何以故。是菩薩遠離一切智智心。雖念過去未來現在一切如來。應正等覺。戒蘊乃至解脫。

智見蘊恭敬供養隨順修行。而於其中執取相。故不能正解。是諸如來真實功德。雖聞菩薩道空無相無願解脫門聲。而依此聲執取其相。執取相已。回向無上正等菩提。此菩薩如是回向。不得菩提。住於聲聞。或獨覺地。舍利子。有諸菩薩。從初發心。常不遠離一切智智心。勤修布施。乃至靜慮。不離般若波羅蜜。多方便善巧。雖念過去未來現在一切如來。應正等覺。戒蘊定蘊慧蘊解脫蘊。解脫知見蘊。而不取相。雖修一切空無相無願解脫門。亦不取相。雖念自他種種功德善根。與諸有情。同共回向無上正等菩提。亦不。

取相。當知是菩薩摩訶薩。不住聲聞及獨覺地。直趣
無上正等菩提。何以故。是菩薩有方便善巧。故以離
相心修行。布施波羅蜜多。以離相心修行。淨戒安忍
精進。靜慮般若波羅蜜多。乃至以離相心修行。道相
智一切相智。舍利子。白佛言。世尊。善男子等。遠離般
若波羅蜜多。方便善巧。而求無上正等菩提。或得不
得。何以故。於所修行六波羅蜜多。乃至道相智一切
相智。皆取相故。爾時欲色界諸天子。白佛言。諸佛無
上正等菩提。極難信解。甚難證得。所以者何。於一切
法。自相共相。皆能證知。方能獲得。所求無上正等菩

481

提。而諸菩薩所知法相。都無所有。皆不可得。佛告諸
天子言。天子。當知我亦現覺一切法相。證得無上正
等菩提。而都不得勝義法相。可說名為此是能證。此
是所證。此是證處。此是證時。及可說為由此而證。何
以故。一切法畢竟淨。故有為無為畢竟空。故爾時善
現白佛言。如我思惟。佛所說義。諸佛無上正等菩提。
極易信解。甚易證得。所以者何。若能信解。無法能證。
無法所證。無有證處。無有證時。亦無由此而有所證。
則能信解。諸佛無上正等菩提。則能證得。所求無上
正等菩提。何以故。以一切法皆畢竟空。畢竟空中都

482

無有法可名能證。可名所證。可名證處。可名證時。可
名由此而有所證。所以者何。諸法皆空。若增若減。都
無所有。皆不可得。諸菩薩摩訶薩所修諸法。都無所
有。皆不可得。以是因緣。我思惟佛所說義。趣極易信
解。甚易證。得不應於中。謂難信解。及難證得。所以者
何。一切法自性空。故若菩薩摩訶薩於如是自性空。
深生信解。無倒證知。便得無上正等菩提。由此故說
非難信解。非難證得。時舍利子謂善現言。觀一切
法。都無自性。皆如虛空。若菩薩摩訶薩信解一切法。
皆與虛空等。便於無上正等菩提。易生信解。易證得。

者。則不應有。殞伽沙等菩薩摩訶薩。擐大功德。證發
趣無上正等菩提。於其中間。而有退屈。故知無上正
等菩提。極難信解。甚難證得。爾時善現白尊者舍利
弗言。舍利子。於意云何。一切法於無上正等菩提。有
退屈。不舍利子言。不也。善現。舍利子。於意云何。離一
切法。有法於無上正等菩提。有退屈。不舍利子言。不
也。善現。爾時善現語舍利子言。若一切法。諦故住故。
都無所有。皆不可得。說何等法。可於無上正等菩提。
而有退屈。舍利子語善現言。如仁者所說。無生法忍。
中都無有法。亦無菩薩。可於無上正等菩提。說有退

屈若爾何故。佛說三種住菩薩乘補特伽羅。但應說一。又如仁者說。應無三乘菩薩差別。但應有一正等覺乘。善現語舍利子言。一切法真如中。為有三種住菩薩乘補特伽羅差別相。不謂於無上正等菩提。定有退屈。定無退屈。及不定耶。舍利子言不也。善現。舍利子。一切法真如中。為有三乘菩薩異。不謂聲聞乘獨覺乘正等覺乘耶。舍利子言不也。善現。舍利子。一切法真如中。為實有一定無退屈菩薩乘。不舍利子言不也。善現。舍利子。一切法真如中。為實有一正等覺乘。諸菩薩不舍利子言不也。善現。舍利子。諸法真

485

如有一有二有三相。不舍利子言不也。善現。舍利子。一切法真如中。為有一法。或一菩薩。而可得。不舍利子言不也。善現。爾時善現語舍利子言。若一切法諦故。住故。都無所有。皆不可得。云何舍利子。可作是念。言如是菩薩。於佛無上正等菩提。定有退屈。定無退屈。說不決定。如是菩薩。是聲聞乘。是獨覺乘。是正等覺乘。如是為三。如是為一。舍利子。若菩薩摩訶薩。于一切法。都無所得。於一切法真如。亦善能信解。都無所得。於諸菩薩。亦無所得。於佛無上正等菩提。亦無所得。當知是為真菩薩摩訶薩。若聞說如是諸法真

486

如不可得。相其心不驚不恐。乃至不退不沒。疾得無上正等菩提。真如品竟

卷三百二十四之十三葉菩薩住品至下卷之十葉

善現白佛言。若菩薩欲得無上正等菩提。當於何住。應云何住。佛言。當於一切有情住平等心。不應住不平等心。乃至應於一切有情起畢竟空無所有不可得心。起空無相無願心。菩薩欲得無上正等菩提。當於此住。

卷三百二十五之十一葉不退轉品至三百二十七

善現白佛言。不退轉菩薩有何行狀相。佛言。善現。能

觀一切法無行無狀無相當知是為不退轉菩薩摩訶薩。善現復白佛言。若一切法無行狀相。是菩薩於何法退轉。故名不退轉。佛言。是菩薩於一切法退轉。故名不退轉。何以故。一切法自性無所有。是菩薩摩訶薩。於中不住。故名退轉。若菩薩恆常成就慈喜捨等起相應身語意業。當知是為不退轉。若菩薩入出往來。心不迷謬。恆時安住正念正知。進止威儀。行住坐臥。舉足下足。安詳繫念。運動語言。常無卒暴。當知是為不退轉。若菩薩隨所聽聞世出世法。皆能方便。會入般若波羅蜜多甚深理趣。諸所造作

世間事業亦以般若波羅蜜多會入法性不見一事
出法性者設有不與法性相應亦能方便會入般若
波羅蜜多甚深理趣由此不見出法性者 菩薩摩
訶薩以自相空觀一切法已入菩薩正性離生乃至
不見少法可得不可得故無所造作畢竟不生故名
無生法忍由得如是無生法忍故名不退轉 惡魔
惱壞謂菩薩言無上菩提與虛空等自性自相皆畢
竟空都無所有云何唐受勤苦求證無上正等菩提
汝等應捨大菩提願勿于長夜唐爲利樂一切有情
自受勤苦菩薩摩訶薩聞彼語時能審觀察不應信

489

受彼說雖一切法與虛空等自性自相皆畢竟空而
諸有情生死長夜不知不見不解不覺顛倒放逸受
諸劇苦我當授以性相皆空如太虛空大功德鐵速
趣無上正等菩提爲諸有情如應說法令其解脫生
死大苦是菩薩摩訶薩依此堅固不動轉心恆正修
行布施淨戒安忍精進靜慮般若波羅蜜多由此六
種隨分成就已入菩薩正性離生由此得入不退轉
位 善現白佛言是菩薩摩訶薩爲不退轉故名不
退轉爲不退轉故名不退轉耶佛言以不退轉故名不
退轉亦以不退轉故名不退轉是菩薩摩訶薩超過聲

490

聞及獨覺地。不復退墮彼二地中。由斯故說不退轉。故名不退轉。遠離聲聞及獨覺地。於彼二地決定退捨。由斯故說以退轉故名不退轉。若菩薩常不遠離大菩提心。不見有法可生貴重。何以故。一切法與虛空等性相皆空。無生義。故當知是為不退轉。不退轉位菩薩摩訶薩。恆為上士。不為下士。是菩薩一切煩惱不復現。前刹那刹那功德精進。乃至無上正等菩提。於一切時心無散亂。當知是為不退轉。若菩薩達一切世間文章伎藝。皆雜穢語邪命所攝。是故菩薩知而不為。又諸世俗外道書論所說理事多。

281

有增減於菩薩道。非為隨順。皆是戲論雜穢語。攝是故菩薩知而不樂。當知是為不退轉。若菩薩摩訶薩常修一切法。不見少法可於無上正等菩提。說有退轉。亦不見少法可於無上正等菩提。說無退轉。於自己所住不退轉地。所攝諸法。現知現見。無惑無疑。住此地中。嚴淨佛土。成熟有情。修諸功德。有魔事起。即能覺知。善能摧滅。令不障礙。所修功德。譬如造作無間業者。彼無間心。恆常隨逐。乃至命終。亦不能捨。何以故。彼能等起無間業。纏增上勢力。恆常隨轉。乃至命盡。亦不能伏。設有餘心。不能遮礙。是不退轉位菩薩。

482

亦復如是。安住自地。其心不動。無所分別。世間天人
阿素洛等皆不能轉。所以者何。是菩薩其心堅固。已
入菩薩正性。離生已得殊勝神通。是菩薩安住自地。
有魔事起。卽能覺知。終不隨順而轉。以善巧力。集諸
魔事。置實際中。方便除滅於自地。法無惑無疑。何以
故。知一切法皆入實際。通達實際。非一非多於實際
中。無所分別。亦無猶豫。是菩薩設轉受生。亦於實際
無復退轉。趣向聲聞。或獨覺地。何以故。是菩薩知一
切法自相皆空。於此空中。不見有法。若生若滅。若染
若淨。乃至轉身。亦不疑我當得菩提。爲不當得。是菩

493

薩卽是無上正等菩提。若菩薩摩訶薩護持正法。
不惜身命。作是念。如來所說一切法空。是諸有情所
歸依處。菩薩修學。速證無上正等菩提。拔諸有情。生
老病死憂悲苦惱。令得畢竟安樂涅槃。故應護持不
惜身命。由此因緣。請佛正法。卽是我法。我應護持不
惜身命。我未來世得作佛時。亦當說此諸法空。故當
知是爲不退轉菩薩。普聞一切有情之類。所有言音
文字義理。悉能解了。無惑無疑。窮未來際。無有忘失。
所以者何。已得字藏陀羅尼等。任持所說。令不忘故。
當知是爲不退轉菩薩。品竟

494

卷三百二十八便品至三百三十之十三葉

善現白佛言。由此所說諸行相狀。顯不退轉位菩薩摩訶薩。成就種種殊勝功德。惟願如來應正等覺。復為菩薩說甚深處。令諸菩薩安住其中。修一切法。令速圓滿。佛言甚深處者。謂空無相無願無作無生無滅。寂靜涅槃。真如法界。法性實際。如是等法。名甚深處。如是所說甚深處名。皆顯涅槃為甚深處。善現言。為但涅槃名甚深處。為諸餘法亦名甚深。佛言。餘一切法亦名甚深。善現言。云何一切法亦名甚深。佛言。一切法真如甚深。故一切法亦甚深。善現言。云何一

495

般若綱要卷五

七六

一切法真如甚深。佛言。一切法真如非即一切法。非離一切法。是故甚深。爾時善現白佛言。佛以甚奇微妙方便。為不退轉地菩薩。遮遣一切法。顯示涅槃。遮遣一切若世間若出世間。若共若不共。若有漏若無漏。若有為若無為法。顯示涅槃。復次善現。若菩薩能於如是諸甚深處。依般若波羅蜜多相應。理趣審諦思惟。稱量觀察。如所說而住。如所說而學。是菩薩起一念心。尚能攝取無邊功德。超無量劫生死流轉。疾證無上菩提。况能無間常修般若波羅蜜多。恆住無上正等菩提。相應作意。善現。若菩薩遠離般若波羅

496

蜜多設經。殞伽沙數。大劫修一切法。若依甚深般若。波羅蜜多所說。而住經一晝夜。修行一切法。所獲功德。甚多於彼。是故常應不離甚深般若。波羅蜜多。爾時善現。白佛言。如佛所說。分別所作。皆非實有。以何因緣。獲福無數。無量無邊。佛言。如汝所說。分別所作。不能發起真實正見。不能趣入正性離生。不能得預流果。乃至無上菩提。善現。諸菩薩摩訶薩。善學內空。乃至無性自性空。安住空已。如如觀察。分別所作。空無所有。虛妄不實。如是如是。即不遠離甚深般若。波羅蜜多。獲福無數。無量無邊。善現言。無量無數。無邊。

497

有何差別。佛言。言無數者。數不可得。不可數。在有爲界中。無爲界中。言無量者。量不可得。不可量。在過去未來。現在法中。言無邊者。邊不可得。不可測度。彼邊際故。善現。我常說此諸法皆空。如汝所說。無盡。無數。無量。無邊。文義無別。皆共顯了諸法空故。善現。一切法空。皆不可說。如來方便說爲無盡。或說無數。或說無量。或說無邊。或說爲空。或說無相。或說無願。或說無作。或說無生。或說無滅。或說離染。或說寂滅。或說涅槃。或說眞如。或說法界。或說法性。或說實際。如是等義。皆是如來方便演說。善現。一切法性。皆不可說。

498

所以者何一切法性皆畢竟空無能宣說畢竟空者
善現白佛言不可說義有增減否佛言不可說義
無增無減善現復言不可說義無增無減者則一切
法義亦應無增無減世尊若一切法無增無減者云
何菩薩摩訶薩修行一切法證得無上正等菩提佛
言不可說義無增無減者一切法亦無增無減善現
諸菩薩摩訶薩修行般若波羅蜜多安住般若波羅
蜜多方便善巧不作是念我於般若波羅蜜多若增
若減但作是想惟有名想謂爲般若波羅蜜多善現
菩薩摩訶薩修行一切法時持此一切法俱行作意

及依此起心及善根與諸有情平等共有迴向無上
正等菩提善現白佛言何謂無上正等菩提佛言
一切法眞如是謂無上正等菩提善現諸法眞如無
增無減故諸佛無上正等菩提亦無增無減諸菩薩
摩訶薩依止無增無減方便修行般若波羅蜜多由
此爲門集諸功德便證無上正等菩提善現言是
菩薩摩訶薩爲用初心證得無上正等菩提爲用後
心證得無上正等菩提世尊若用初心證得無上正
等菩提初心起時後心未起無和合義若用後心證
得無上正等菩提後心起時前心已滅無和合義如

是前後心心所法進退推徵無和合義云何可得積
集善根若諸善根不可積集如何菩薩能證無上正
等菩提佛言善現我當爲汝略說一喻如然燈時爲
初焰能焦炷爲後焰能焦炷世尊如我意解非初焰
能焦炷亦不離初焰非後焰能焦炷亦不離後焰善
現於意云何炷爲焦不世尊世間現見其炷實焦佛
言諸菩薩摩訶薩亦復如是非用初心證得無上正
等菩提亦不離初心證得無上正等菩提非用後心
證得無上正等菩提亦不離後心證得無上正等菩
提佛告善現若心已滅可更生不善現答言不也

501

世尊若心已生有滅法不善現答言如是世尊有滅
法心非當滅不善現答言不也世尊心住爲如心眞
如不善現答言如是世尊心如眞如住爲如實際不
善現答言不也世尊眞如實際爲甚深不善現答言
如是世尊卽眞如是心不善現答言不也世尊離眞
如有心不善現答言不也世尊卽心是眞如不善現
答言不也世尊離心有眞如不善現答言不也世尊
眞如見眞如不善現答言不也世尊若菩薩能如是
行是行深般若波羅蜜多不善現答言能如是行是
行深般若波羅蜜多若菩薩能如是行爲行何處善

502

現答言能如是行。都無行處。所以者何。菩薩行深般若波羅蜜多。無心現行。無現行處。何以故。世尊住真如中都無現行現行處。故佛告善現。爲行在何處。善現答言。行在勝義諦中。此中現行及現行處。俱無所有。能取所取不可得。故行勝義諦中。雖不取相而行。相不善。現答言不也。世尊行勝義諦中。爲壞相不善。現答言不也。世尊行勝義諦中。壞相想不善。現答言不也。世尊云。何不壞相。亦不壞相想。善現答言。是菩薩不作是念。我當壞相及壞相想。亦不作是念。我當壞無相及壞無相想。於一切種無分別。故世尊是菩

508

薩雖能如是離諸分別。而佛十力四無所畏四無礙解。大慈大悲大喜大捨。十八不共法等。無量勝功德。未圓滿。故未證無上正等菩提。世尊是菩薩成就方便善巧力。故於一切法不取不壞。何以故。知一切法自相空。故住一切法自相空中。爲度諸有情。入三摩地。大悲願力所牽。遍故用此三定。成熟有情。佛言如是如是。如汝所說。時善現白佛言云。何入此三摩地。成熟有情。佛言。菩薩安住空三摩地。見諸有情多執我者。以方便力教令安住空三摩地。菩薩安住無相三摩地。見諸有情多行相者。以方便力教令

509

安住無相三摩地。菩薩安住無願三摩地。見諸有情
多願樂者。以方便力。教令安住無願三摩地。時舍利
子問善現。言夢中入此三三摩地。於深般若波羅蜜
多有增益。不善現答言。若晝時入此三三摩地。於深
般若波羅蜜多有增益者。彼夢中入亦有增益。何以
故。晝與夢中無差別。故舍利子。若菩薩晝行般若波
羅蜜多。既名修習甚深般若波羅蜜多。是菩薩夢行
般若波羅蜜多。亦名修習甚深般若波羅蜜多。三三
摩地於深般若波羅蜜多。能為增益。亦應如是。時舍
利子問善現。言夢中作業。為有增益。或損減。不佛說

有為虛妄不實。如夢所作。云何彼業能有增減。善現
答言。諸有晝日。斷他命。已於夜夢中憶想分別。深自
慶快。或復有人。夢斷他命。請在覺位。生大歡喜。如是
二業於意。云何。舍利子。言無所緣事。若思若業。俱不
得生。要有所緣。思業方起。夢中思業緣何而生。善現
答言。如是如是。舍利子。若夢若覺。要於見聞覺知法
中有覺慧轉。由斯起染。或復起淨。若無見聞覺知諸
法。無覺慧轉。亦無染淨。由此故知。若夢若覺。有所緣
事。思業方起。無所緣事。思業不生。舍利子問善現。言
佛說思業皆離自性。云何可言有所緣起。善現答言。

雖諸思業及所緣事自性皆空。而由自心取相分別。故說思業有所緣生。若無所緣思業不起。舍利子問。善現言若菩薩夢中修行。布施淨戒安忍精進靜慮般若。持此善根。與諸有情平等。共有回向無上正等菩提。是菩薩爲實回向大菩提。不善現語。舍利子言。慈氏菩薩摩訶薩久已受不退轉記。惟隔一生定當作佛。善能酬答一切難問。現在此會宜請問之。舍利子如善現言恭敬請問。時慈氏菩薩語舍利子言。謂何等名慈氏能答爲色耶。爲受想行識耶。爲色空耶。爲受想行識空耶。且色不能答。受想行識亦不能答。

507

色空不能答。受想行識空亦不能答。何以故。舍利子。我都不見有法能答。有法所答。答處答時。及由此答。亦皆不見。我都不見有法能記。有法所記。記處記時。及由此記。亦皆不見。以一切法本性皆空。都無所有。無二無別。畢竟推徵不可得。故時舍利子復問慈氏。言仁者所說法爲如所證。不慈氏菩薩言我所說法。非如所證。何以故。我所證法不可說。故爾時佛告舍利子言。汝由是法得阿羅漢果。爲見此法是可說不。舍利子言不也。世尊佛言諸菩薩所證諸法亦復如是。是菩薩行深般若波羅蜜多。不生猶豫。我於無上。

508

正等菩提為得不得。但作是念。我於無上正等菩提
定當證得。巧方便。

508

般若綱要卷五終

般若綱要卷五

九二